

تورک یوردی

ناشری : تورک یوردی .

مدیری : محمد امین .

۱۰ کانون نامی ۱۳۳۸

یل ۲

صافی ۷

74

①

فکری و وطن حسلرینی تقویه ایدر. وطنی و مللی شریقلرک دخی تربیه و طنبهده تاثیر انکار اولوناماز. مکتبک سالونلری و قوریدورلری وطنک محاسن طبیعیهینی، اردوسنی، دوناماسنی ارانه ایدر رسمارله تزیین ایدیلیرسه بونلرک دخی حسن تاثیر کورولور.

علی صیبر

سیاحت

آلتایله طوغرو

(باشی ۱ نجی ییلک ۱۲ نجی صایسنده)

بومهم سیاحتنامهینی، محررینک خسته نمش اوله سندن ناشی، ۱۶ نجی صاییده سیمیه مجبور اولشدق. حایم ثابت افندی بوکونلرده تماماً کسب عافیت ایتدیلر. و سیاحتنامه نك مابعدینی یازمایه باشلادیلر. بزده درجه شتاب ایله یوروز. سیاحتنامه ده قالدیغمز یر چالاینسکی شهرنده امام افندی نك اوی ایدی. سیاحمز، امامله استانبول احواله دائر برخیلی قونوشدقدن صوکره سوز قادی ن مسئله سنه انتقال ایتشدی. امام افندی، « حجاب طرفدار کورنیمور » و علمادن اولان حلیم ثابت افندی دن « استانبولده بومسئله حقنده نه کبی فکر لر موجود اولدیغنی » صوریوردی.

بن، « استانبولک مختلف محیطلرینک بری برینه پک اوزاق اولان دورلو الهاملری نتیجه سی اوله رق قادی نلر مسئله سی حقنده متناقض فکر بولنه بیله جکنی، مع ماقیه هنوز بوجریانلردن هیچ بری مطبوعاته دوشمامش، آ کلا دیغمه کوره بونک ده صره سی ده کلامش اولدیغنی، سویلدم.

کندی فکر شخصیمه کلنجه: هنوز بو باده بر علم حاصل ایده جک، وجدانم قناعت کله جک قدر تدقیقاده بولنه مادم، فقط بومسئله نك یالکز بزم کیلرجه حل اولنسی ده کفایت ایتمه یوب، بلکه هر کسک، هر عائله نك آیری آیری قناعت کتبه ملریله نهایت بوله بیلیر، دیوردم؛ چونکه حجاب مسئله سی فکر مه کوره یالکز شرعی دکل در. بومسئله ده حس دیدیکمز شی ده پک بویوک تاثیر اجرا ایدیور. بو حسی تولید ایدن شی، یالکز شریعت دکلدر؛ عرق،

محیط ، تربیه .. کی بر جوق عامللر کده کلی تأثیرلری واردر . فقط شو حس بوکون بزده بر حالت ره حیه شکنه کیرمشددر ، که آراق بوکا قارشلی کله بیلیمک جوق کوچدر .

« ایشته شو ملاحظه لره کوره کرک تستر و حجابک لهنده و کرک علیهنده بولنانلرک هیچ بری طوغریدن طوغری به شرع مبینی موضوع بحث ایتمه ملیدرلر . فکریمه کوره شرع شریفک قادینلر حقنده توسیه و امر ایتمیکی شی « تستر » اولمقدن زیاده « حجاب » اولسه کرکدر . یوقسه « تستر » ، آنجق قادینلر حقنده دکل ، بلکه ارککلر حقنده لازم و فرضدر ؛ تستر ، شرعاً عورت اولان محللرک اورتیلیمسی دیمکدر . قادینلرک بوزلری ایسه بالاتفاق ارککلرکی کی عورت دکلدر .. بو حالده موضوع بحث اوله جق شی تستر دکل ، حجاب اوله جقدر . اقوام اسلامیه حجابک تعیننی خصوصنده پک مختلف بوللردن کیتمشلردر . لکن هر حالده بوتون بو اختلافلری اداره ایدن شی ، حجاب حقنده ورود ایدن نصوص اولمقدن زیاده هر قومک محیطنه ، شرائط حیاتیه سنه کوره عرفلری ، عادتلری ، عصیت قومیه و عرفیهلری و بر آزده مصلحتلری اولمشدر ، ظن ایدرم .

شهرلی عربلر ، عثمانلی تورکلری ، عجملر ، بخارایلیر ، ایشیتدیکمه کوره ، هندلیلرده حجابی تستر ایله ، فقط معنای شرعیسندن پک زیاده اخص اولان تستر ایله تفسیر ایدیورلر . بونلره کوره یوز ، کوز ، ال .. هر طرف عورت اولبور ، دیمکدر . آنکچون هر مملکتده اصولنه کوره فراجهلر ، جارشافلر ، چاپانلر ، یجهلر .. ایله بوتون وجود ، یوز ، کوز هپسی ستر ایدیلبور . حتی بعضی یرلرده سوقاقلره جیقمامق ، آنجق خانه لرده اوتورمقده حجاب ادخال اولنیور ؛ تورکیه شهرلرنده سوقاقلر طار اولدیغندن یجیره لره قفس قویمقده حجابک متمماتندن صایلبور . بخارا طرفلرنده قادینلرک سوقاغه جیقمه لری کنه اولدیغندن یک دیگرینه متصل اولان خانه طاملری قادینلرک مرور و عبورینه تخصیص اولمشدر ، که بوده حجابک برنوع علاوه لرندن دیمکدر ... بادیه نشین عربلر ، عثمانلی کویلیلری ، رنجبر روسیه مسلمانلری ... حجابی

دها باشقه درلو تفسیر ایدیورلر ؛ بونلرک حجابلری تستر درجه سنه وارمه یور ؛ یوز ، کوز آنجق پک یابانجیلره ، یاخود امنیت ایتمک لری کیمسه لره قارش قاپلی بولندی ریلور ؛ یوقسه علی الا کثر آچقدر .

قازاقلرده ، تورکمانلرده ایسه بومعنا ایله هیچده تستر یوقدر . بونلرجه حجاب ، یابانجیلر ایله خالی قالماق ، ارککار ایله یوز کوز اوله رق اختلاط ایتمک دن عبارتدر . شمالی قفقاسیه مسلمانلرینک خالی ده بویله در .

هله قرآن کریمی ، احادیث نبویه نی ، شرع شریفی آ کلامق خصوصنده تورکلردن ، حتی عربلردن ده آشماغی قالمایان قفقاسیانک قاضی قومقلری حجاب آیتلری هیچده بو کونکی تورکلر ، بو کونکی عربلر ، یاخود ایرانلی عجملر کی آ کلامه مشلردر . وقتی ایریشوبده بروقت نمازک ترکنی کندیسیچون اتحشار بیلن قاضی قومق قادینلری اولرنده وخارجده یوزلری ، کوزلری پچملر ایله ستر ایتمک لزوم کورم یورلر . فقط ناموس وعقتلری محافظه ایتمک خصوصنده بخارانک چاپانیه ، قازانک شالینه ، تورکیه نک چارشافینه بورون قادینلردن چوق ایاروده اولدقلری محققدر .

بوکون صیق برتستره رعایت ایدن تورکیه تورکلرنده ، عربلرده ، عجملرده فحشیات هیچ بر قومدن اکسیک دکادر . هله عجمستانده فحشیات اوقدر ایلری وارمشدرکه ظن ایدرم ، فحشیانک استادی صاییلان فرنکلر درجه سنه ایرمه یه رمق قالمشدر ...

برطرفدن حجاب آیتلری اوقویوب و بونلردن مقصد عرض وناموسک وقایه سی اولدیغنی خاطر لادقدن موکرم بوکونکی حجابک انواعنی کوزمک اوکنه کتبیورم ؛ دیگر طرفدن حجابی صیق برتستر ایله تفسیر ایدنلرک بوزوقلقلری ، فقط مثلاً قاضی قومق قادینلرینک عصمت درجه سنه کی عفتلری دوشونیورمده بومشله حقنده هنوز صاحب رأی اولمادیغمه جداً قانع اولیورم . اوت ، اساس حجاب ایمان ایتمکله برابر یوقاریده عرض ایتدیکم وجهله شکله دائر رسوحلی بر معلوماتم هنوز یوقدر . بناء علیه بن شمدیلک حکم ویرمه دن توقف ایدیورم . مخاطبم سوزیمی دقله دکله مش ایدی . بکا حق ویردیکی آ کلاشیلوردی .

مجلسىز هر حالده خوش چكىدى ، سوكره چالايىنىكى معتبرانندن بعضى كيمسه لرده زيارت ايدىلدى . آرتق عودت ايتىك زمانى ده ياغلاشمش ايدى . امام افندى به تشكرلر ايدىدرك استاسيونه كىدم . بر بوجوق ساعت سوكره قطار ، بيطر ياولىقى و اومسقى به طوغرى حركت ايدى چكىدى . بن آرتق تيمور يول حياتندن اوصانمش ، بر آن اول اومسقى به كلوب ده « ايرتيش » نهرىنى كورمىك ، اولطف نهرىك كوزل واپورلرندن برينه بىنهرىك سمىت مطلوبه طوغرى سو اوستىده ايلرومىك ، ايلرولدكچى « ايرتيش » سواخلنده وقيله امرار حيات ايدى بويوك بابالرمىك سرگذشتلرىنى خاطر لاق ، دوشونمىك ... استيوردم . حمد اولسون چوق قالمامشدى : يكرمى طوقوز ، اوتوز ساعت كچىنجه « ايرتيش » اوزرندى بولنه جقدم .

(بىتمدى)

ملىم ثابت

توركلك شئوفى

« قوياش » جريده سى و « آك » مجموعه سى — شمال توركلرندى ، حمد اولسون ، مطبوعات زىكىنلشور : روسيه ده ساكن توركلرك كچن سنه ۱۸ جريده و مجموعه لرى واردى . ۱۹۱۳ سنه سى ابتدا سندن اعتباراً ، قزانده « قوياش » [كولش] آدى بر كونده لك جريده ايله ، « آك » [دريت] مجموعه سى انتشاره باشليور . « قوياش » ، آيدىلق ، كنجلك ، ملتچىك [مولته جى دكل ميلله نچى] ترقىچىك ناشر افكاريدىر . « آك » ده ينه بو جريانك طرفداريدىر . « قوياش » ك ايلك صايىلرندىك چوق قسم توركيه احوال ووقايى حكايه ايدىيور . شمال توركلرينك حياتنه « كولش » ك آيدىلقى يايىلار ، اوفى ترقىچىك نقطه نظرندن تحليل ايدىيور . « آك » ، حقيقى حياتى ، اينجه لكارييله ، كوزللكارييله ادراك ايتش : شعرلرى ، نثرلرى ، رسملىرى جدا كوزل . هرايكى آرقداشمىزى صميمى تبرىك ايدىيورز . تىكرى ، هرايكيسنه اوزون و خپرلى عمر وىرسين !

ينه قزانده « حقوق وحيات » عنوانلى ادبى و بالخاصه حقوقى بر مجموعه نك انتشار ايدى چكىده سويلنليور . متشبهلرينه موفقيت دىليورز .